

Euskal Herriko Ahotsak
ahotsak.com

Arantxa Larrea Garmendia

*Lezo, Gipuzkoa
(1937)*

Aurkibidea



Biografia



Lezoko Gurutze Santuaren plazan dago bera jaio zen etxea. Gurasoak Lezokoak zituen: ama, Sagasti baserrikoa; eta aita, Ipintzakoa. Zortzi senide izan ziren; baina bikiak, jaio eta hiru hilabetera, hil egin ziren. Haurra zela, igande arratsaldetan Ipintzara joaten ziren eta orduan izaten zuen jolasteko aukera; bestela, zaharrena zenez, anai-arreba txikiagoak zaindu behar izaten zituen. Hamaika urterekin utzi zuen eskola, eta eskabetxerian hasi zen lanean antxoak garbitzen. Gerora, Pakers fabrikan aritu zen Erreenterian; eta, horren ostean, Trintxerpeko arrandegi batean. Ategorrietan mojekin soinekoak josten ikasi zuen, baita hainbat josketa-lan egiten ere; brodatuak, besteak beste. Hamalau urterekin, Erreenteriako janari-denda batean hasi zen lanean, eta urte asko egin zituen bertan. JOCeke (Juventudes Obreras Cristianas) partaidea izan zen: elizaren barruan sortutako erakundea zen, eta orduko jazoerak aztertzen zituzten. Oso esperientzia aberatsa izan zela gogoratzen du. Senarrarekin bizi da. Urte askoan izan da katekista; eta, oraindik ere, katekista izandakoak elkarrekin biltzeko ohitura mantentzen dute.

Zintak

LEZ-004

- **Proiektua:** Euskal Herriko Ahotsak
- **Elkarrizketatzailea(k):** Etxeberria, Idoia - Zabala, Edurne
- **Data:** 2009-10-23
- **Iraupena:** 99 min

- **Euskarria:** Bideo digitala
- **Kodifikatzailea:** Gaston Balerdi, Izaskun

Pasarteak

1. Jolaserako denbora askorik ez

- **Erref:** LEZ-004/002
- **Iraupena:** 0:01:57. **Hasi:** 00:02:27. **Bukatu:** 00:04:24
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Jolasak
- Familia eta harremanak » Lagunartea eta familia » Umetako lanak

Laburpena:

<p>Umetako oroitzapenak dakartza gogora. Aitaren jaiotetxera joaten ziren igandero. Klean ere aritzen ziren jolasean, hala ere, denbora asko ez zuen izaten jolaserako. Zaharrenetarikoa izanagatik, anai-arrebak zaindu behar izaten zituen.</p>

2. Marru-marruketan, kulebrillan eta txingoka

- **Erref:** LEZ-004/003
- **Iraupena:** 0:01:13. **Hasi:** 00:04:24. **Bukatu:** 00:05:37
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Jolasak

Laburpena:

<p>Jolas desberdinei buruzko azalpenak ematen ditu: marru-marruketan, "kulebrillan" eta txingoka.</p>

3. Hamaika urterekin lanera

- **Erref:** LEZ-004/005
- **Iraupena:** 0:03:37. **Hasi:** 00:06:04. **Bukatu:** 00:09:41
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako lanak

Laburpena:

<p>Hamaika urterekin, Pasai Donibane sarreran zegoen eskabetxerian antxoak garbitzen egin zuen lan. Nahiz eta gogoko izan, lanean hasteko eskola utzi behar izan zuen. Eskabetxerian lanik ez zegoenean, Erretereriako Pakers fabrika gozokiak biltzen egiten zuen lan. Trintxerpeko arrandegi batean ere jardun zuen hilabete batzuetan. Tranbiaz joaten zen bertara. Eskabetxerian irabazten zuenaren bikoitza ordaintzen zioten bertan.</p>

4. Ezer gabe baina gustora

- **Erref:** LEZ-004/006
- **Iraupena:** 0:02:09. **Hasi:** 00:09:41. **Bukatu:** 00:11:50

- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako kontuak

Laburpena:

<p>Eskabetxerian lanik ez zegoenean, Ategorrietara joaten zen tranbiaz. Josketa-lanak egiten ikasi zuen bertan. Lagunari tranbiarako dirua galdu zitzaioneko anekdota kontatzen du. Nahiz eta ezer gutxi eduki, haurtzaro eta gazte denbora zoriontsuak igaro zituen.</p>

5. Talgoa pasatzen ikustearren komeriak

- **Erref:** LEZ-004/007
- **Iraupena:** 0:01:57. **Hasi:** 00:11:50. **Bukatu:** 00:13:47
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako kontuak

Laburpena:

<p>Talgo trena pasatzen ikus zitekeen Ategorrietako mojen eskolatik. Leiho txiki batetik hura ikustearren, komuneko bainerara igotzen ziren. Behin gertatutakoa kontatzen du.</p>

6. Kalean nahi genuen bezala, baina etxean euskaraz

- **Erref:** LEZ-004/010
- **Iraupena:** 0:02:02. **Hasi:** 00:16:47. **Bukatu:** 00:18:49
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

<p>Nahiz eta inork ez zien euskaraz egitea galarazi, lagun artean erdaraz jarduteko ohitura zuten. Etxean euskaraz egitea behartzen zituen aitak. Horri eskerrak familian ez dute euskara galdu.</p>

7. Lezo, zelaiz eta baratzez betea

- **Erref:** LEZ-004/012
- **Iraupena:** 0:00:57. **Hasi:** 00:21:34. **Bukatu:** 00:22:31
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako kontuak

Laburpena:

<p>Zelai eta baratze asko zeuden Lezon. Umetan, sagarrak eta barazkiak lapurtzera ez zela joaten kontatzen du.</p>

8. Lagunekin zinemara

- **Erref:** LEZ-004/013

- **Iraupena:** 0:01:01. **Hasi:** 00:22:31. **Bukatu:** 00:23:32
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Gaztetako ibilerak
- Ohiturak eta bizimodua » Erlijioa » Elizaren indarra
- Aisia » Kultura » Zinema

Laburpena:

<p>Hemezortzi urterekin hasi zen lagunekin inguruko herrietara joaten, bezperetatik irtenda. Zinemara ere joaten ziren, neguan.</p>

9. Maria Etxeberria janari-dendan lanean

- **Erref:** LEZ-004/014
- **Iraupena:** 0:01:46. **Hasi:** 00:23:32. **Bukatu:** 00:25:18
- **Multimedia:** bideoa online ikusgai

Gaia(k):

- Lanbideak » Negozioak, dendak

Laburpena:

<p>Hamalau urterekin Erreterriako elikagai denda batean hasi zen lanean. Oso gustuko zuen lan hura eta, batez ere, bezeroekin zuen harremana atsegin zuen.</p>

10. Langileek "puntuak kobratzen" zituzten seme-alabak izateagatik

- **Erref:** LEZ-004/017
- **Iraupena:** 0:01:04. **Hasi:** 00:26:45. **Bukatu:** 00:27:49
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak

Laburpena:

<p>Janari-dendan lanean jardun zuen garaian, igande arratsaldea baino ez zuen jai. Mendira joan ahal izateko egun osoa eskatu zion nagusiari. Han inguruan, langileak "Puntuak kobratzera" joaten zirela kontatzen du. Seme-alabak zituzten langileei aparteko ordainsari bat ematen zieten.</p>

11. Mendira joateko dirua aurreztu behar

- **Erref:** LEZ-004/019
- **Iraupena:** 0:01:11. **Hasi:** 00:29:33. **Bukatu:** 00:30:44
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Gaztetako ibilerak

Laburpena:

<p>Hamar pezeta ematen zizkioten paga gisa. Lagunak mendira joaten ziren igandero baina, autobusa ordaintzeko adina diru izaten ez zuenez, dirua aurreztu behar izaten zuen hilabeteen behin mendira joan ahal izateko.</p>

12. J.O.C.eko kide

- **Erref:** LEZ-004/020
- **Iraupena:** 0:04:01. **Hasi:** 00:30:44. **Bukatu:** 00:34:45
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Kongregazioak

Laburpena:

Lezoko J.O.C.-eko (Juventud Obrera Católica) kide zen. Ekintza desberdinak antolatzen zituzten, besteak beste, mendira irteerak. Bidegabekeriak konpontzea zen taldearen beste eginkizunetako bat. Astero biltzen ziren elizako lokaletan. Ezkondu ondoren ere jarraitu zuen taldeko kide izaten baina H.O.A.C. izeneko taldean (Hermandades Obreras de Acción Católica).

13. Mutilengana gerturatzeko moduak

- **Erref:** LEZ-004/022
- **Iraupena:** 0:03:05. **Hasi:** 00:35:59. **Bukatu:** 00:39:04
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea
- Familia eta harremanak » Lagunartea eta familia » Gaztetako ibilerak

Laburpena:

Gaztetan kalean paseatzen ibiltzen ziren. Mutilengana gerturatzeko aitzakiak. Bera zen lotsa gutxien zuena. Bere lagun bat moja joan zen Lasartera, eta auto-stop eginda joaten ziren bisitan. Lezoko mutil bat jeloskor jartzeko egin zutena.

Transkripzioa

-Hemen Erreenteriara ta etortzen ziñaten ya hemezortzi urte bazenituzten, eta esan dezu Biteri kalia gora ta behera.

- Bai, ibiltzen giñan gora ta behera, ta geo Alamedan, ba, “aio” ta “aio” ta “aio” ta.

- Ta aio zenei?

- A ba gure lagunai, mutillak eta beste ezagun gehio're bai, gu kuadrilla bat giñan. Hor ere bado xelebrekeya bat. Ni nitzan oso nee beste laun bat'e monja jua zen “de clausura” Lasartera, eta bixitan jua nahi izaten genun, biñon diruik ez genun, ta ni hortan nintzan “la mas carota” ta nik itten nun autoestop, eta ordun kontentu denak atzean jartzen zien ta “Arantxa, zu jua” ta autoestop egin eta kotxian sartzen giñan ta ez genun biajeikan ordaintzen. Eta hor kalle Biterin ibiltzen giñanian pasiatzen gora ta behera, ba igual pasten giñan ta neri igual gustatzen zait zuetako bat,

-Bai, mutil bat.

-Mutil bat, bai, bai, mutil bat. Orduan ez genakigun neskak gustatzen zienik re!

-Horregatik beitzen zenituzten... garai hartan.

-Ez genakigun, mutillak bai.

-Eta gustatzen zitzaixkigun mutillen batzuek edo eta harekin nola geatu. Ta ordun igual egitten genun ba pakete bat gaztaiña edo txurruak edo erosi, ta guk nahi genittun haiei ba konbidatu, beakin geatzeko. Eta hola ba

norbaittei gustatzen baldin bazitzaigun o bat...

- Aitzaki bat behar hitz iteko.

- Hoi da, hoi da, ta beakin geatzeko. Eta behin nere lagun batek nahi zuen Lezoko batekin, hura gustatzen zitzaion, biñon ez zion kasoik egitten! Eta bagenittun bi laun Antxokuak, erdaldunak zien baiñon oso majuak zien! Ta beti guekin eon nahi izaten zuten biñon guk beaiekin ez, ta esan ziten "Arantxa, ven!"- hoi erdalduna zan- "este... ¿por qué no nos quedamos con eso, para que me vea" el otro?" Ez dut /eztut/ esango izena por ke... "para que nos vea". "¡Ah muy bien!" biyek, ta nik segittuan, ba haiekin haiek desiyutan seosten, gure atzetik zebiltzan...

-Haiekin ez zenuten aitzakirik behar, haiekin zuzenian.

-Bai biñon guk ez genun /eskenun/ nahi. Biñon, ba kasu hontan, ba bestiak ikusteko hoiekin geundela ta gaiñea eaman genittun pixka bat itxea heldu bagiña bezela edo, pixka bat hola, ta bestiak ikusi zigun, ta ikusi zigunian aureaxio ya despeditu genittun ta ya esta, ta mutil horrekin hasi zen, beak nahi zuenakin.

- Eta mutilla jun zitzaizuen?

- Ez, ordun ikusi egin zigun, ikusi in zigun, ta gu geunden bueno entusiasmadaz beste bi hoiekin, hixketan ta atzentzio haundiyakin ta hola, bestiak ikusi zigunian ba orduan, hurrunguako ya saiatu zen beai're gustatzen zitzaion, eta nere launana arrimatzea.

14. Soldaduekin dantzan

- **Erref:** LEZ-004/023
- **Iraupena:** 0:01:10. **Hasi:** 00:39:04. **Bukatu:** 00:40:14
- **Multimedia:** bideoa online ikusgai

Gaia(k):

- Aisia » Jai-giroa » Erromeriak
- Ohiturak eta bizimodua » Erljioa » Elizaren indarra

Laburpena:

<p>Dantza egitera joaten zirenean, soldaduekin ere egiten zuten dantza (inork ez zuen nahi izaten). Kongregazioko zinta urdina kendu eta morea jartzen zieten, mutilekin dantza eginez gero.</p>

15. Nola hasi zen senargaiarekin ateratzen

- **Erref:** LEZ-004/024
- **Iraupena:** 0:02:33. **Hasi:** 00:40:14. **Bukatu:** 00:42:47
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea

Laburpena:

<p>Neska laguntza. Hamarretarako etxean egon behar zuen. Nolatan hasi zen senargaiarekin. Zinemara joan ziren, Irunera. Hantxe zebilen lanean ordurako.</p>

16. Ezkondu aurretik, bidaia nobioekin

- **Erref:** LEZ-004/026

- **Iraupena:** 0:01:51. **Hasi:** 00:42:50. **Bukatu:** 00:44:41
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea

Laburpena:

<p>Nobiotan bi urte egin ondoren ezkondu zen. Nobioekin astebeterako joan ziren kanpora, baina burutik pasa ere ez arrimatzerik.</p>

17. Amaren etxera ezkondu zen

- **Erref:** LEZ-004/027
- **Iraupena:** 0:01:19. **Hasi:** 00:44:41. **Bukatu:** 00:46:00
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ezkontzak

Laburpena:

<p>Ezkontzarako prestaketak. 28 urte zituen. Etxerik ez zuten artean, eta amarenera ezkondu ziren. Manoli Pikabea jostunak egin zion soinekoa, eta lagun batek orraztu zuen.</p>

18. Arreoa eta maindire bordatuak

- **Erref:** LEZ-004/028
- **Iraupena:** 0:04:19. **Hasi:** 00:46:00. **Bukatu:** 00:50:19
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ezkontzak

Laburpena:

<p>Arreoa. Kanporako bordatzen zuen berak, eta ez zuen berarentzat lanik hartu. Lagun batek bordatu zizkion maindireak. Toallak eta mantelak. Ezkondu arte, etxean entregatzen zuen lanean irabazitako dirua.</p>

19. Ezkontzako soinekoa

- **Erref:** LEZ-004/029
- **Iraupena:** 0:01:28. **Hasi:** 00:50:19. **Bukatu:** 00:51:47
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ezkontzak

Laburpena:

<p>Ezkontzako soinekoa. Eskularrurik ez zuen eraman. Zapata zuri itxien orde, sandaliak eraman zituen berak.</p>

20. Ezkontzako bazkaria eta eztei bidaia

- **Erref:** LEZ-004/030
- **Iraupena:** 0:04:08. **Hasi:** 00:51:47. **Bukatu:** 00:55:55

- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ezkontzak

Laburpena:

<p>Ezkontza bazkaria anaia zaharrenarekin batera egin zuen, Panier jatetxean. Andregaiarentzat kotxea alokatzen zuten. Anai gazteena soldadu zegoen Gasteizen. Ezkontza bidaian hantxeageratu ziren lehenengo; gero Madrilera eta handik Cadizera joan ziren.</p>

21. Bainatzen eta almejak biltzen

- **Erref:** LEZ-004/032
- **Iraupena:** 0:03:38. **Hasi:** 00:56:07. **Bukatu:** 00:59:45
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Bainuak, errekak eta uretako jolasak

Laburpena:

<p>Enborrak ekartzen zituzten Lezora, ontziz, zerrategira. Arriskutsua zen han bainatzea. ibarrola dagoen tokian bainatzen ziren; hondartza modukoa zegoen. "Gona gorontza"-rekin bainatzen ziren, bainujantzirik ez zuten eta. Almejatara ere joaten ziren horra. Ez zuen igerian ikasi; mutilek bazekiten.</p>

22. Gerra ondoren, taloak

- **Erref:** LEZ-004/033
- **Iraupena:** 0:02:47. **Hasi:** 00:59:45. **Bukatu:** 01:02:32
- **Multimedia:** bideoa online ikusgai

Gaia(k):

- Ohiturak eta bizimodua » Elikadura » Jatekoa eta edatekoa
- Baserría » Baserriko lanak » Errota
- Politika » Gerraostea eta Francoren diktadura » Ekonomia gerraostean

Laburpena:

<p>Txokolate ontza erdi, meriendatzeko. Taloa egiten zuen amak, baina ez zitzaion gustatzen: ogia lortzen zuten berarentzat. Errotak itxita zeuden, eta gauez joaten zen anaia, ezkutuan. Ama Frantziara joaten zen ogia erostera. Errazionamendua. Familian baserría zuten, eta babarrunik ez zitzaien falta.</p>

23. Txekorra, baratzean

- **Erref:** LEZ-004/034
- **Iraupena:** 0:01:18. **Hasi:** 01:02:32. **Bukatu:** 01:03:50
- **Multimedia:** bideoa online ikusgai

Gaia(k):

- Baserría » Baserriko lanak » Baserriko animaliak
- Baserría » Baserriko lanak » Baratzea eta soroa

Laburpena:

<p>Etxean katua zuten, saguentzat. Parrokia atzean baratzea zuten, eta txekorra ere izaten zuten. Hazi, saldu eta anaiaren seminarioa ordaintzen zuten horrekin. Oilaskoak. Quina San Clemente edanarazten zioten, arraultzekin.</p>

24. Lezoko dantza taldea

- **Erref:** LEZ-004/035
- **Iraupena:** 0:02:07. **Hasi:** 01:03:50. **Bukatu:** 01:05:57
- **Multimedia:** bideoa online ikusgai

Gaia(k):

- Aisia » Kultura » Dantza
- Aisia » Kultura » Musika

Laburpena:

<p>Lezoko dantza taldea. Inaxiok erakusten zuen. Patxi anaia ibili zen dantza irakasle gero, eta hainbat txapelketa irabazia zen. Gezala txistularia (arrebak bat zesta puntako jokalaria zuen).</p>

25. Pilotan jokatzeko, lanean sartu aurretik

- **Erref:** LEZ-004/036
- **Iraupena:** 0:01:02. **Hasi:** 01:05:57. **Bukatu:** 01:06:59
- **Multimedia:** bideoa online ikusgai

Gaia(k):

- Aisia » Kirola » Pilota
- Ohiturak eta bizimodua » Erlijioa » Elizaren indarra

Laburpena:

<p>Pilotan ibiltzea gustatzen zitzaion. Lezoko frontoira joaten zen, Errenteriara lanera joan aurretik, jokatzera. Irunen hasi zenean, ezin. Zazpitako mezetara joaten zen orduan, eta josi ere egiten zuen, denda ireki aurretik.</p>

26. Pilota eta bizikleta

- **Erref:** LEZ-004/038
- **Iraupena:** 0:02:51. **Hasi:** 01:07:54. **Bukatu:** 01:10:45
- **Multimedia:** bideoa online ikusgai

Gaia(k):

- Aisia » Kirola » Pilota
- Herria, azpiegitura » Garraioak » Bizikletak eta motorrak

Laburpena:

<p>Sekula ez diote ezer esan pilotan jokatzeari. Mari-mutilena zen. Isilka esaten ziren halakoak. Bizikleta alokatzen zuten, bi pezeta ordainduta. Lagun bati galtzerdiak hautsi zitzaizkion behin. Nesken eta mutilen bizikletak.</p>

27. Kartzelan zazpi hilabetez

- **Erref:** LEZ-004/040

- **Iraupena:** 0:04:00. **Hasi:** 01:11:12. **Bukatu:** 01:15:12
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>1974an kartzelan egon zen, zazpi hilabetez. Urkola medikua joan zen, eta pilulak eman zizkion; handik aurrera hobeto. Etxean ETako jendea hartzen zuten, lotarako; jatekoa ere ematen zien. Miaketa batean pistola bat aurkitu zuen Poliziak, poltsa batean.</p>

28. Kartzelako egonaldia

- **Erref:** LEZ-004/041
- **Iraupena:** 0:04:10. **Hasi:** 01:15:12. **Bukatu:** 01:19:22
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>Ez zioten jo, kartzelara eraman zutenean. 14 urterekin gaixotasun bat izan zuen. Berak ez zekien etxean hartzen zituenen izenak. Ijitoak ere hartzen zituen etxean. Klaustrofobia zuen kalabozoan. Senarrari lau urteko zigorra jarri zioten, baina amnistiarekin lehenago atera zen.</p>

29. Etakideak etxean

- **Erref:** LEZ-004/042
- **Iraupena:** 0:03:14. **Hasi:** 01:19:22. **Bukatu:** 01:22:36
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>"Txikia" ETakideari buruzkoak: indarkeriaren aurkakoa ei zen; hil egin zuten, Erreterian. Pertur aipatzen du. Garai hartan ETak ez zuen hiltzen; atrakoak egiten zituen. Behin, atrako baten ondoren beraien etxera joan ziren denak.</p>

30. Kartzelan izandako borroka

- **Erref:** LEZ-004/044
- **Iraupena:** 0:02:43. **Hasi:** 01:22:40. **Bukatu:** 01:25:23
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>Senarra oso gaizki egon zen Ocañan. Kartzelan borroka egin zuen emakume batekin, FACeko batekin. Mezetara joaten zen, eta mojekin ondo konpontzen zen; haiek ezin zuten hori ikusi.</p>

31. Kartzelako anekdota

- **Erref:** LEZ-004/046
- **Iraupena:** 0:00:49. **Hasi:** 01:25:54. **Bukatu:** 01:26:43
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>Kartzelan zegoela, bere urtebetetzean Martuteneko gizonezko presoek bera ikusten utzi zieten. 33 ziren. Zorionak kantatu zioten.</p>

32. Kartzelako egonaldiko une gogorrenak

- **Erref:** LEZ-004/048
- **Iraupena:** 0:04:59. **Hasi:** 01:27:13. **Bukatu:** 01:32:12
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>Seme-alabak izanez gero, ikustera joaten uzten zieten. Bestela ez. Ilobak joan zitzaizkion bisitan behin kartzelara, eta despedida oso gogorra egin zitzaion. Kalabozotik kartzelara eraman zutenean ere oso gaizki pasatu zuen. Lehen hilabetea izan zen okerrera.</p>

33. Libre utzi zutenean, Madrilen

- **Erref:** LEZ-004/049
- **Iraupena:** 0:03:19. **Hasi:** 01:32:12. **Bukatu:** 01:35:31
- **Multimedia:** bideoa online ikusgai

Gaia(k):

- Politika » Politika eta Franco

Laburpena:

<p>Libre utzi zutenean, Madrilen, ezin zuen sinestu. Dirua bazuen, baina iluntzen hasia zen, eta ez zuen atera nahi. Koinataren anaiaren etxera joan zen. Lezon diruz lagundu zioten lagunek.</p>

Ahotsak.eus-eko edukiarekin sortutako dokumentu automatikoa.

2026-07-29

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com